

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Odbor za ekonomsku i razvojnu politiku,
finansije i budžet

Broj: 02/11-02-9-24/17-2
Sarajevo, 12.01.2017. godine

DOMU NARODA
PARLAMENTA FEDERACIJE BIH

Na 17. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH, održanoj 11. januara 2017. godine razmatrane su sljedeće tačke dnevnog reda:

1. **Prijedlog zakona o izmjenama Zakona o Komisiji za vrijednosne papire (predlagač: Ismet Osmanović, poslanik u Predstavničkom domu Parlamenta Federacije BiH) – hitni postupak.**
2. **Prijedlog zakona o penzijskom i invalidskom osiguranju,**
3. **Nacrt zakona o boravišnoj taksi Federacije Bosne i Hercegovine,**
4. **Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije BiH za 2016. godine,**
 - **Plan rada i razvoja Zavoda za transfuzijsku medicinu Federacije BiH za 2016. godine sa Odlukom o usvajanju Plana od Upravnog odbora Zavoda, broj: 01-1-390/16 od 18.1.2016. godine,**
 - **Zaključak Vlade Federacije,**
5. **Prijedlog odluke o davanju saglasnosti na:**
 - **Izveštaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2015. godinu (konsolidovani);**
 - **Izveštaj o izvršenju Finansijskog plana Federalnog fonda solidarnosti za 2015. godinu (Anex I);**
 - **Izveštaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za 2015. godinu (Anex II)**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03) Odbor za ekonomsku i razvojnu politiku, finansije i budžet podnosi Domu naroda sljedeći:

I Z V J E Š T A J

1. **Prijedlog zakona o izmjenama Zakona o Komisiji za vrijednosne papire (predlagač: Ismet Osmanović, poslanik u Predstavničkom domu Parlamenta Federacije BiH) – hitni postupak.**

Zbog neprisustvovanja predstavnika predlagača sjednici Odbora, članovi Odbora, u skladu sa članom 50. Poslovnika o radu, nisu raspravljali o ovoj tački dnevnog reda, te će svoje primjedbe i sugestije pojedinačno iznijeti u raspravi na sjednici Doma naroda.

2. Prijedlog zakona o penzijskom i invalidskom osiguranju

Predstavnik predlagača detaljno je upoznao članove Odbora sa predloženim tekstom zakona. Članovi Odbora obavili su konstruktivnu raspravu ističući pozitivne činjenice novog bodovnog sistema, ali su također istakli da primjena ovog zakonskog rješenja obavezno zahtijeva potpunu i sveobuhvatnu primjenu drugih zakona koji su u direktnoj korelaciji sa primjenom i efektima primjene Prijedloga zakona o penzijskom i invalidskom osiguranju (Zakon o trezoru u Federaciji BiH, Zakon o budžetima u Federaciji BiH, Zakon o dugu, zaduživanju i garancijama u Federaciji BiH i Zakon o izvršavanju Budžeta Federacije BiH)

Imajući u vidu navedeno, članovi Odbora predlažu Domu naroda da razmotri i usvoji Prijedlog zakona o penzijskom i invalidskom osiguranju.

3. Nacrt zakona o boravišnoj taksi Federacije Bosne i Hercegovine

Predstavnica predlagača istakla je da se Nacrtom zakona o boravišnoj taksi Federacije Bosne i Hercegovine očekuje smanjenje stope sive ekonomije i samim tim pozitivniji fiskalni efekti i ekonomska opravdanost. U raspravi, članovi Odbora postavili su par pitanja i sugestija u cilju što boljeg rješenja i uređenja problema u ovoj oblasti. Članovi Odbora naglasili su važnost uređenja ove oblasti zakonskim rješenjem, posebno imajući u vidu da je turizam prepoznat kao jedna od strateških oblasti privrede.

Članovi Odbora predlažu Domu naroda da razmotri i prihvati navedeni Nacrt zakona, uvažavajući sve primjedbe, prijedloge i sugestije iznesene na sjednici Doma, kao i one dostavljene u pisanoj formi.

4. Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije BiH za 2016. godine,

- Plan rada i razvoja Zavoda za transfuzijsku medicine Federacije BiH za 2016.

godine sa Odlukom o usvajanju Plana od Upravnog odbora Zavoda, broj: 01-1-390/16 od 18.1.2016. godine,

- Zaključak Vlade Federacije

Predstavnica predlagača upoznala je članove Odbora sa navedenim dokumentima. U raspravi je istaknut konstantan problem razmatranja materijala i dokumenata sa kašnjenjem, što raspravu čini nesvrshodnom. Članovi su konstatovali proceduralnu potrebu usvajanja navedenih dokumenata, ali istovremeno izrazili apsurdnu situaciju razmatranja navedenih dokumenata retroaktivno. U tom smislu zaključeno je da se uputi Urgencija Vladi Federacije BiH da, navedene i slične dokumente, treba razmatrati odmah po dostavljanju od strane obrađivača materijala i što prije ih dostaviti Parlamentu Federacije BiH.

Odbor predlaže Domu naroda da razmotri i donese odluku o davanju saglasnosti na navedene dokumente.

5. Prijedlog odluke o davanju saglasnosti na:

- Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2015. godinu (konsolidovani);
- Izvještaj o izvršenju Finansijskog plana Federalnog fonda solidarnosti za 2015. godinu (Anex I);
- Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za 2015. godinu (Anex II)

Članovi Odbora konstatovali su proceduralnu potrebu usvajanja navedenih dokumenata, ali istovremeno izrazili apsurdnu situaciju razmatranja navedenih dokumenata retroaktivno. U tom cilju, potrebno je uputiti Urgenciju Vladi Federacije BiH da, navedene i slične dokumente, treba razmatrati odmah po dostavljanju od strane obrađivača materijala i što prije ih dostaviti Parlamentu Federacije BiH.

Odbor predlaže Domu naroda da razmotri i donese odluku o davanju saglasnosti na navedene dokumente.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je predsjednik Odbora, Muhamed Kozadra.

PREDSJEDNIK
Odbora za ekonomsku i razvojnu
politiku, finansije i budžet
Muhamed Kozadra, s.r.